

Datganiad i'r Wasg

Arddangosfa

Ysbrydoliaeth Ynys Kyffin Williams a Charles Tunncliffe

Medi 17, 2011 – Mawrth 4, 2012

Eleni mae Oriel Ynys Môn yn dathlu ei phen blwydd yn 20 oed. I gydfynd â'r achlysur arbennig hwn cynhelir arddangosfa unigryw yn Oriel Kyffin Williams yn cyfuno gwaith Kyffin Williams a Charles F. Tunncliffe.

Mae'r arddangosfa 'Ysbrydoliaeth Ynys' ymalen yn Oriel Ynys Môn rhwng Medi 17 2011 – Mawrth 4, 2012. Caiff ei hagor yn swyddogol am 7.00 yh ar nos Wener, Medi 16, 2011.

Mae hanes yr Oriel yn dyddio'n ôl i 1981 pan oedd gwaith Charles Tunncliffe am gael ei werthu mewn ocsiwn yn Christie's yn Llundain.

Treuliodd Charles Tunncliffe, un o artistiaid bywyd gwyllt mwyaf blaenllaw ei gyfnod, 35 o flynyddoedd ym Malltraeth yn cofnodi bywyd gwyllt ar aber Afon Cefni. Ar ôl ei farwolaeth roedd ei lyfrau braslunio, y lluniau mesuriedig, a'r gweithiau niferus eraill yng nghasgliad personol yr arlunydd bellach yn cael eu cydnabod fel gweithiau o bwysigrwydd cenedlaethol a rhyngwladol.

Cynhyrchodd Christie's, gatalog arbennig gyda'r bwriad o werthu gwaith yr arlunydd, ond ar yr unfed awr ar ddeg prynwyd y cyfan ar wahân i ddeuddeg lot gan Gyngor Bwrdeistref Ynys Môn, fel yr oedd ar y pryd, gyda chymorth ariannol gan Amgueddfa Victoria ac Albert, Cronfa Olew Shell ynghyd âg ffynonellau eraill. Bu hyn yn fodd i gadw casgliad Tunncliffe yn gyflawn ar Ynys Môn yn hytrach na'i werthu'n 373 lot unigol.

Ddeng mlynedd yn ddiweddarach, adeiladwyd oriel newydd yn gartref i'r casgliad gwych gyda'r bwriad o fod yn ganolbwynt ar gyfer bywyd celfyddydol a diwylliannol yr ynys. Agorwyd Oriel Ynys Môn gan Ei Mawrhydi Y Frenhines ar Hydref 25, 1991.

Dros yr ugain mlynedd ddiwethaf mae Oriol Ynys Môn wedi esblygu'n sylweddol ac un berthynas arbennig iawn a wnaeth gyfrannu tuag at hynny oedd yr un rhwng yr Oriol â'r artist Kyffin Williams.

Bu Oriol Ynys Môn yn ffodus iawn o gael Kyffin Williams fel hyrwyddwr i'r celfyddydau ym Môn. Roedd yn ymwelydd cyson â'r Oriol a bu'n gefnogwr brwd a gweithgar o waith yr Oriol. Yn ei haelioni, rhoddodd dros 400 o waith celf gwreiddiol i'r Oriol, o sgetys i ddarluniau i waith olew.

Yn sgil y berthynas unigryw adeiladwyd oriel bwrpasal ar gyfer arddangos ei waith. Roedd Kyffin yn gwbl gefnogol i'r cynllun o adeiladu oriel yn ei enw ac yn frwdfrydig yn ei gylch. O'r cychwyn cyntaf bu'n rhan o'r gwaith o ddewis lleoliad a chynllunio'r oriel newydd. Cafodd ei syniadau a'i awgrymiadau eu cynnwys yn y cynlluniau, a dderbyniodd sêl bendith ganddo cyn ei farwolaeth ar 1 Medi, 2006. Agorodd Oriol Kyffin Williams yn 2008 fel oriel deyrnged i un o artistiaid enwocaf ac uchel eu barch yng Nghymru.

Defnyddir y casgliad o waith a roddodd Kyffin i Oriol Ynys Môn fel sail i raglen arddangos Oriol Kyffin Williams, ynghyd â'i waith sydd ym meddiant sefydliadau ac unigolion eraill.

Mae'r arddangosfa 'Ysbrydoliaeth Ynys – Kyffin a Tunncliffe' yn ddathliad arbennig yno'i hun o waith un o arlunwyr bywyd gwyllt enwocaf ei gyfnod, ac artist arall, oedd heb os, yn un o arlunwyr mwyaf dylanwadol ac uchel ei barch yng Nghymru.

Bydd gweithiau'r arddangosfa yn cynnwys rhai o gasgliad yr Oriol ynghyd â gwaith o gasgliadau preifat a chyhoeddus.

Dywedodd Richard Parry Jones, Cyfarwyddwr Corfforaethol Addysg a Hamdden, Cyngor Sir Ynys Môn, ***“Mae Oriol Ynys Môn yn eithriadol o falch o'r casgliadau celf unigryw sydd yn ei mheddiant. Mae'r arddangosfa hon yn deyrnged addas iawn i ddau o gewri'r byd celfyddydol”***.

“Hyd yn hyn mae eleni wedi bod yn flwyddyn gyffrous a llewyrchus iawn i Oriol Ynys Môn. Mae'r arddangosfeydd celf a hanesyddol, ynghyd â'r gweithgareddau amrywiol wedi profi'n hynod o lwyddiannus. Dros y blynyddoedd mae nifer o arddangosfeydd o waith Kyffin Williams a Charles Tunncliffe wedi addurno waliau Oriol Gelf ac Oriol Hanes Oriol Ynys Môn, ond eleni yw'r tro cyntaf i ni arddangos cyfuniad o waith y ddau artist. Mae'r arddangosfa hon nid yn unig yn dathlu dau brif casgliad celfyddydol yr Oriol, ond mae hefyd yn tanlinellu perthynas unigryw Kyffin a Tunncliffe ag Ynys Môn. Dyma ein cyfle ni fel Oriol i ddiolch iddynt hwy am eu cyfraniad amhrisiadwy i gelf yr ynys a sicrhau fod gwaith eu bywyd yn parhau i gael ei fwynhau”, meddai Pat West, Prif Swyddog – Amgueddfeydd, Diwylliant ac Archifau, Cyngor Sir Ynys Môn.

Oriel Ynys Môn
Llangefni
Ynys Môn
LL77 7TQ

01248 724444

www.croesomon.co.uk
www.kyffinwilliams.info

Ar agor yn ddyddiol: 10.30 – 5.00
Mynediad am ddim

Diwedd

Am ragor o wybodaeth neu i drefnu cyfweiliad, cysylltwch â:

**Llinos Jones Parry
Swyddog Gweithgareddau a Marchnata
Oriel Ynys Môn
Llangefni
Ynys Môn
LL77 7TQ**

**E bost: ljxlh@anglesey.gov.uk
Ffôn: 01248 752027 / 01248 724444**